
BOARD NOTICES • RAADSKENNISGEWINGS

BOARD NOTICE 105 OF 2016**BOTO YA DITSHEBELETSO TSA DITJHELETE****MOLAO WA BOTO YA DITSHEBELETSO TSA DITJHELETE, 1990****DITEFISO MEKGATLONG YA DITJHELETE**

Boto ya Ditshebeletso Tsa Ditjhelete eo ho builweng ka yona karolong ya 2 ya Molao wa Boto ya Ditshebeletso Tsa Ditjhelete, wa 1990 (Molao wa 97 wa 1990), oo tlasa karolo ya 15A ya Molao o tlamang ditefiso tse boletsweng Lethathamong la mekgatlo ya ditjhelete.

Ka taelo ya Boto ya Ditshebeletso Tsa Ditjhelete.

A M Sithole

Modulasetulo: Boto ya Ditshebeletso Tsa Ditjhelete

LETHATHAMO**1. Ditlhaloso**

Tsebisong ena, lentswe kapa polelwana leha e le efe eo moelelo wa yona o fanweng molaong leha e le ofe wa ditshebeletso tsa ditjhelete, e na le moelelo oo e o filweng mme, ntle leha taba eo ho buuwang ka yona e bontsha ka tsela e nngwe-

“**Boto**” e bolela Boto ya Ditshebeletso Tsa Ditjhelete eo ho buuwang ka yona Molaong;

“**Molao wa Taolo ya Maano a Matsete a Kopanetsweng**” o bolela Molao wa Taolo ya Maano a Matsete a Kopanetsweng wa 2002 (Molao wa 45 wa 2002);

“**Molao wa Ditshebeletso Tsa ho Sekaseka Mokitlane**” o bolela Molao wa Ditshebeletso Tsa ho Sekaseka Mokitlane wa 2012 (Molao wa 24 wa 2012);

“Molao wa Ditshebeletso Tsa Boeletsu ba Tsa Ditjhelete le ho Rarolla Diphapang Tsa Ditjhelete” o bolela Molao wa Ditshebeletso Tsa Boeletsu ba Tsa Ditjhelete le ho Rarolla Diphapang Tsa Ditjhelete, wa 2002 (Molao wa 37 wa 2002);

“Molao wa Dimmaraka Tsa Ditjhelete” o bolela Molao wa Dimmaraka Tsa Ditjhelete, wa 2012 (Molao wa 19 wa 2012);

“molao wa ditshebeletso tsa ditjhelete” o bolela Molao, le Molao leha e le ofe o mong o boletsweng serapeng sa (a) sa tlhaloso ya “mokgatlo wa ditjhelete” karolong ya 1 ya Molao;

“Molao wa Mekgatlo ya ho Thusana ka Ditjhelete” o bolela Molao wa Mekgatlo ya ho Thusana ka Ditjhelete wa 1956 (Molao wa 25 wa 1956)

“Molao wa Lekeno la Lekgetho” o bolela Molao wa Lekeno la Lekgetho, 1962 (Molao wa 58 wa 1962);

“selemo sa tefiso” ho bolelwa nako ya ho tloha ka la 1 Mmesa 2016 ho fihlela ka la 31 Tlhakubele 2017 mme ho itshetlehile ka Tsebiso ena kapa phetoho kapa phediso ya molao ona, nako e jwalo e tsamaisanang le yona dilemong tse latelang, ditefiso tsa tsona di tlameha ho lefshwa;

“Molao wa Inshoreense ya Nako e Telele” o bolela Molao wa Inshoreense ya Nako e Telele wa 1998, (Molao wa 52 wa 1998);

“Molao wa Letlole la Dipenshene” o bolela Molao wa Letlole la Dipenshene wa 1956 (Molao wa 24 wa 1956);

“Mmoloki wa Direkoto ya loketseng” ho bolelwa Mmoloki wa Direkoto ya boletsweng molaong o amehang wa ditshebeletso tsa ditjhelete;

“SAM” e bolela Solvency Assessment and Management kapa Tlhahlobo le Tsamaiso ya ho Tjhona;

“Molao wa Inshoreense ya Nakwana” o bolela Molao wa Inshoreense ya Nakwana wa 1998, (Molao wa 53 wa 1998);

“Molao” o bolela Molao wa Boto ya Ditshebeletso Tsa Ditjhelete wa 1990 (Molao wa 97 wa 1990).

2. Qobello ya ho lefa ditefiso

Tefiso e boletsweng serapeng sa Tsebiso ena e qobellwa tabeng ya mokgatlo wa ditjhelete o kgethilweng serapeng seo le ho latela selemo sa ditefiso.

3. Tefiso matloleng a penshene

- (1) Tefiso, e amanang le letlole la penshene le ngodisitsweng kapa le sa ngodiswang ka botlalo ho latela Molao wa Matlole a Penshene, ho kopanyelletsa le letlole la paballo ya

penshene le hlaloswang karolong ya 1 ya Molao wa Lekgetho la Lekenno, empa seo ha se kenyelletse letlole la ho tlohela mosebetsi le lefang ka selemo jwalokaha e hlaloswa karolong ya 1 ya Molao wa Lekgetho la Lekenno, ke tjehele e etsang R1 138, ha e kopana le R13,20 setho ka seng bakeng sa letlole la mofuta oo le mabapi le motho e mong le e mong ya fumanang ditefo tsa kamehla nako le nako ho tswa letloleng leo (ho sa kenyelletswe setho leha e le sefe kapa motho ya jwalo, eo ditsiane tsa hae letloleng di eso ka di tleimuwa kapa eo e leng mojalefa letloleng la majalefa), kapa R2 556 435, ho sa tsotellehe hore ke kakaretso ya tjehele efe e tlaase.

- (2) (a) Ha ho balwa tefiso eo ho builweng ka yona seratswaneng sa (1) ho nahannwe ka palo ya ditho le batho ba bang jwalokaha ho bontshitswe dipalopalong tsa moraorao tse filweng Mmoloki wa Direkoto ya loketseng ho latela molao leha e le ofe ka la 30 Phupjane selemong sa ditefiso.
- (b) Haeba phetiso ya ditho e ntse e tswela pele mme e eso phethelwe ka la 30 Phupjane selemong sa tefiso, letlole la phetiso le lokela ho lefa tefiso ya ditho tse lokelang ho fetiswa.
- (c) Moo ho kgethwa ha motsamaisi wa matlotlo a letlole le tjhonneng ho tjhaelwang monwana kapa moo Mmoloki wa Direkoto a qhelelang letlole ka thoko hore le sa tlangwe ke Molao ho latela karolo ya 28 ya Molao wa Matlole a Dipenshene kamora la 30 Phupjane selemong sa tefiso, tefiso ya letlole e lokela ho lefshwa kaofela bakeng sa selemo sa tefiso.
- (3) Ditefiso tseo ho builweng ka tsona seratswaneng sa (1) di lokela ho lefshwa ka la/kapa pele ho la 31 Phato selemong sa tefiso.

4. Tefiso ya batsamaisi

- (1) Tefiso, e amanang le motsamaisi ya amohetswe ho ya ka karolo ya 13B ya Molao wa Matlole a Penshene, ke R7 122,00, ha e kopanngwa le R555,21 letlole ka leng la penshene le boletsweng serapeng sa 3(1), tlasa tsamaiso ya motsamaisi le R0,68 setho ka seng le mabapi le motho e mong le e mong ya amohelang ditefo tsa kamehla nako le nako ho tswa letloleng leo, empa ho sa kenyelletswe setho leha e le sefe kapa motho ya jwalo, e o ditsiane tsa hae letloleng di eso ka di tleimuwa kapa mojalefa letloleng la majalefa.

- (2) (a) Ho balwa ha tefiso ho boletsweng seratswaneng sa (1) ho thehilwe palong ya ditho le batho ba bang ba boletsweng dipalopalong tsa moraorao tse filweng Mmoloki wa Direkoto ho latela molao leha e le ofe o sebetsang ka la 30 Phupjane selemong sa tefiso.
- (b) Haeba phetiso ya ditho e sa ntse e tswela pele mme e eso phethelwe ka la 30 Phupjane selemong sa tefiso, letlole le fetisang le tlameha ho lefella ditho tse fetiswang.
- (c) Moo ho kgethwa ha motsamaiisi wa matlotlo a letlole le tjhonneng ho tjhaelwang monwana kapa moo Mmoloki wa Direkoto a qhelelang letlole ka thoko hore le sa tlangwe ke Molao ho latela karolo ya 28 ya Molao wa Matlole a Dipenshene kamora la 30 Phupjane selemong sa tefiso, tefiso ya letlole e lokela ho lefshwa kaofela bakeng sa selemo sa tefiso.
- (3) Ditefiso tseo ho builweng ka tsona seratswaneng sa (1) di lokela ho lefshwa ka la/kapa pele ho la 31 Phato selemong sa tefiso.

5. Tefiso matloleng a penshene a lefang ka selemo

- (1) (a) Tefiso, e amanang le penshene e lefang ka selemo e boletsweng serapeng sa 3(1), ke R1 138, e kopanngwang le tjhelete e nngwe e lekanang le 0,0097% ya boleng ba matlotlo a letlole.
- (b) Moo ho kgethwa ha motsamaiisi wa matlotlo a letlole le tjhonneng ho tjhaelwa monwana ke Mmoloki wa Direkoto kamora la 30 Phupjane selemong sa tefiso, tefiso ya letlole e lokela ho lefshwa kaofela bakeng sa selemo sa tefiso.
- (2) (a) Boleng ba matlotlo a penshene e lefshwang ka selemo ke boleng ba matlotlo ao a letlole bo etseditsweng qeto nakong ya tlhahlobo ya yona e etswang ke khamphani ya diinshoreense ka sepheo sa ho etsa qeto ka dikoloto tsa yona tse sa kenngwang serapeng sa 10(2)(b) ho tswa tlhalosong ya "dikoloto", ha esita le matlotlo leha e le afe a mang a tshwerweng ke letlole ho le thusa ho phetha boikarabelo ba yona ho ditho tsa yona.
- (b) Ha ho balwa tefiso eo ho builweng ka yona seratswaneng sa (1) ho nahannwe ka palo ya ditho le batho ba bang jwalokaha ho bontshitswe dipalopalong tsa moraorao tse filweng Mmoloki wa Direkoto ya loketseng ho latela molao leha e le ofe o sebetsang ka la 30 Phupjane ya selemo sa ditefiso.

(c) Haeba phetiso ya ditho e ntse e tswela pele mme e eso phethelwe ka la 30 Phupjane selemong sa tefiso, letlole la phetiso le lokela ho lefa tefiso e amanang le boleng ba matlotlo bakeng sa ditho tse lokelang ho fetiswa.

(3) Ho balwa ha boleng ba matlotlo a letlole la penshene e lefswang ka selemo ho tlameha ho kenyelletse boleng ba konteraka, haeba bo le teng, moo khamphani ya inshoreense ya nako e telele, eo ka lebaka la tefo ya nako le nako ya inshoreense, e itlamang ho lefa ditsiane tsa pholisi ka sepheo sa ho thehetsa ka ditjhelete sekoloto sohle kapa karolo ya sekoloto sa letlole la penshene e lefshwang ka selemo e le ho fana ka ditsiane ho ditho tsa lona ho latela melao ya lona.

(4) Tefiso eo ho buuwang ka yona seratswaneng sa (1) e lokelang ho lefshwa ke letlole la penshene e lefshwang ka selemo le lokela ho lefshwa pele la 31 Phato selemong sa tefiso le feta.

6. Tefiso bakeng sa Monamodi Ditabeng Tsa Letlole la Penshene

(1) Tefiso bakeng sa Monamodi Ditabeng Tsa Letlole la Penshene, e amanang le letlole la penshene le ngodisitsweng kapa le sa ngodiswang ka botlalo ho latela Molao wa Matlole a Penshene, ho kopanyelletsa le letlole la paballo ya penshene, letlole la paballo ya providente esita le letlole la penshene e lefshwang ka selemo jwalokaha ho hlaloswa karolong ya 1 ya Molao wa Lekgetho la Lekeno, ke R4,90 setho ka seng sa letlole le jwalo le motho leha e le ofe e mong ya amohelang ditefo tse etswang nako le nako ho tswa letloleng le jwalo, empa ho sa kenyelletswe setho leha e le sefe kapa motho ya jwalo, eo ditsiane tsa hae letloleng di ntseng di eso tleleimuwe.

(2) (a) Haeba phetiso ya ditho e ntse e tswela pele mme e eso phethelwe ka la 30 Phupjane selemong sa tefiso, letlole la phetiso le lokela ho lefa tefiso ya ditho tse lokelang ho fetiswa.

(b) Moo ho kgethwa ha motsamaiisi wa matlotlo a letlole le tjhonneng ho tjhaelwang monwana kapa moo Mmoloki wa Direkoto a qhelelang letlole ka thoko hore le sa tlangwe ke Molao ho latela karolo ya 28 ya Molao wa Matlole a Dipenshene kamora la 30 Phupjane selemong sa tefiso, tefiso ya letlole e lokela ho lefshwa kaofela bakeng sa selemo sa tefiso.

- (3) Tefiso eo ho builweng ka yona seratswaneng sa (1) e ka nna ya lefshwa le tefiso eo ho builweng ka yona serapeng sa 3 mme e lefshwa letsatsing le boletsweng serapeng sa 3(3).

7. Tefiso ya mekgatlo ya ho thusana ka ditjhelete

Ho tloha ka la 1 Mmesa 2006, mekgatlo leha e le efe e ngodisitsweng kapa e sa ngodiswang ka botlalo ya ho thusana ka ditjhelete ho latela karolo ya 3(2)(a) ya Molao wa Mekgatlo ya ho Thusana ka Ditjhelete, e behellwa ka thoko tabeng ya ho lefa ditefiso.

8. Tefiso dikhamphaning tsa inshoreense ya nako e kgutshwane le dikhamphani tsa inshoreense tsa Lloyd's

- (1) (a) Tefiso, e amanang le khamphani ya inshoreense ho ya ka Molao wa Inshoreense ya Nakwana ho ntshetsa pele kgwebo ya inshoreense ya nako e kgutshwanyane, e thehilwe tjheleteng yohle e hakanngwang e kenang ho tswa ho diporimiamo, ho kopanyelletsa le tjhentjhe leha e le efe, bakeng sa selemo sa ditjhelete sa khamphani ya diinshoreense se qalang ka la 1 Phupu ho ya ho la 31 Tlhakubele selemong se hodimo sa tefiso kapa se qalang ka la 1 Mmesa ho ya ho la 30 Phupjane selemong se latelang sa ditefiso, e fetotsweng kamora qetello ya selemo sa yona sa ditjhelete ho latela tjhelete yohle e keneng ya diporimiamo e etseditsweng tlhahlobo ya ditjhelete, hammoho le tjhentjhe leha e le efe.
- (b) Ho sa tsotellehe bolelele ba nako ya ditjhelete ya khamphani ya inshoreense, tefiso ke tjhelete e lekanang le 0,17862% ya lekeno lohle la diporimiamo ya R60 milione ya pele, ho kopanyelletsa le tjhentjhe leha e le efe, hammoho le 0,04123% kamora moo, kapa R23 596, ho ya ka hore na ke kakaretso efe ya tjhelete e kgolwanyane.
- (c) Sekgahla se qobellwang qetellong ya nako ya ditjhelete ya khamphani ya inshoreense se tla sebetsa ho pholletsa le nako yohle e felang ka letsatsi leo.
- (2) (a) Tefiso e kgethehileng ya SAM, e amanang le motho ya kgethehilweng ho ya ka karolo ya 57(1) ya Molao wa Inshoreense ya Nakwana, ho itshetlehile ka lekeno lohle la diporimiamo bakeng sa selemo sa alamanaka se felang ka la 31 Tshitwe selemong sa tefiso, e fetolwa selemo le selemo kamora la 31 Tshitwe ho latela lekeno lohle le amohetsweng la diporimiamo lebitsong la dikhamphani tsa inshoreense tsa Lloyd's Rephaboliking bakeng sa selemo se fetileng sa almanaka

jwalokaha ho hatisiswe Tlalehong ya Selema ya Mmoloki wa Direkoto wa Inshoreense ya Nakwana.

- (b) Tefiso ke tjelele e lekanang le 0,17862% ho R60 milione ya pele ya lekeno lohle la diporimiamo ha e kopana le 0,04123% kamora moo kapa R23 596, ho ya ka hore tjelele ka kakaretso e kgolo.
- (3) Inshoreense ya nakwana e ngodisitsweng kapa e nkwang e ngodisitswe ho ya ka Molao wa Inshoreense ya Nakwana, letsatsing leha e le lefe la selema sa tefiso, e tlameha ho lefa ditefiso ka botlalo ho bontshitsweng seratswaneng sa (1) le ho latela seratswana sa (4).
- (4) (a) Tefiso e itshetlehileng ka lekeno la porimiamo le hakantsweng e tlameha ho lefshwa ka diinstolmente tse pedi pele ho la kapa ka la 31 Phupu le la 30 Pukungwana ya selema sa tefiso.
- (b) Tefo e boletsweng seratswaneng sa (1) e tlameha ho kopanngwa le tefo ya pele kapa ya bobedi kamora bofelo ba selema sa ditjelele sa khamphani ya inshoreense.
- (c) Tabeng ya Lloyd's tefo e boletsweng seratswaneng sa (2) e tlameha ho kopanngwa le tefo ya Pukungwana.

9. Tefiso e kgethehileng ya SAM ho dikhamphani tsa inshoreense ya nakwana le dikhamphani tsa inshoreense tsa Lloyd's

- (1) (a) Tefiso e kgethehileng ya SAM, e mabapi le khamphani ya inshoreense e ngoditsweng ho latela Molao wa Inshoreense ya Nakwana, e thehilwe lekenong lohle la porimiamo le hakanngwang, ho kopanyelletsa le ditjhentjhe leha e le dife, bakeng sa selema sa ditjelele sa khamphani ya inshoreense se feleng ka la 1 Phupu ho ya ho la 31 Tihakubelo ya selema se hodimo sa tefo kapa se felang ka la 1 Mmesa ho ya ho la 30 June ya selema se latelang sa tefiso, e fetotswe kamora ho fela ha selema sa yona sa ditjelele ho ya ka lekeno lohle le hlahlobilweng la diporimiamo, ho kopanyelletsa le tjhentjhe leha e le efe.
- (b) Ho sa tsotellehe bolelele ba nako ya ditjelele ya khamphani ya inshoreense, tefiso e kgethehileng ya SAM ke tjelele e lekanang le 0,00667% ya lekeno lohle la diporimiamo, ho kopanyelletsa le tjhentjhe leha e le efe.
- (c) Tefello ya ditshebeletso qetellong ya nako ya ditjelele ya khamphani ya inshoreense e sebetsa ka nako yohle e felang ka letsatsi leo.

- (2) (a) Tefiso e kgethehileng ya SAM, e amanang le motho ya kgethehilweng ho ya ka karolo ya 57(1) ya Molao wa Inshoreense ya Nakwana, ho itshelehile ka lekeno lohle la diporimiamo bakeng sa selemo sa almanaka se felang ka la 31 Tshitwe selemong sa tefiso, e fetolwa selemo le selemo kamora la 31 Tshitwe ho latela lekeno lohle le amohetsweng la diporimiamo lebitsong la dikhamphani tsa inshoreense tsa Lloyd's Rephaboliking bakeng sa selemo se fetileng sa almanaka jwalokaha ho hatisiswe Tlalehong ya Selemo ya Mmoloki wa Direkoto wa Inshoreense ya Nakwana.
- (b) Tefiso e kgethehileng ya SAM, e tijeleteng e lekanang le 0,00667% ya lekeno lohle la diporimiamo.
- (3) Khamphani ya inshoreense ya nakwana e ngodisitsweng kapa e nkwang e ngodisitswe ho latela Molao wa Inshoreense ya Nakwana, letsatsing leha e le lefe selemong sa tefiso, e tlameha ho lefa ditefiso ka botlalo tse kgethehileng tsa SAM tse boletsweng seratswaneng sa (1) ho ya ka seratswana sa (4).
- (4) (a) Tefiso e kgethehileng ya SAM e thehilweng lekenong le hakanngwang la diporimiamo e tlameha ho lefshwa ka diinstolmente tse pedi pele kapa ka la 31 Phupu le la 30 Pudungwana selemong sa tefiso.
- (b) Tefo e boletsweng seratswaneng sa (1) e tlameha ho kopanngwa le tefo ya pele kapa ya bobedi kamora bofelo ba selemo sa ditjelete sa khamphani ya inshoreense.
- (c) Tabeng ya Lloyd's tefo e seratswaneng sa (2) e tlameha ho kopanngwa le tefo ya Pudungwana.

10. Tefiso dikhamphaning tsa inshoreense tsa nako e telele

- (1) Tefiso, e amanang le khamphani ya inshoreense ya nako e telele e ngodisitsweng kapa e nkwang e ngodisitswe ho latela Molao wa Inshoreense ya Nako e Telele, le e dumeletswe -
- (a) ho kena pholising e le nngwe kapa ho feta ya kgolofalo, pholising ya letlole, pholising ya bophelo bo botle, pholising e lefang ha motho a shwa kapa pholisi ya ho kgutlisetsa tjelete ya letlole, kapa e le nngwe kapa ho feta ya dipholisi tseo le pholisi ya tlatsetso, ke tjelete e fihlang ho R112 360, ha e kopanngwa le

0,00837% ya dikoloto tlasa dipholisi tsa nako e telele tse eso lokele ho hulwa kapa

- (b) ho kena pholising ya tlatsetso feela, ke tijelete e kaalo ka R11 236, ha e kopanngwa le 0,00837% ya dikoloto tlasa dipholisi tsa nako e telele tse eso lokele ho hulwa.

- (2) Polelwana e reng “dikoloto tlasa dipholisi tsa nako e telele tse eso lokele ho hulwa” diratswaneng (1)(a) le (b) –

- (a) e bolela dikoloto jwalokaha di etseditswe qeto qetellong ya selemo sa ditjhelete sa khamphani ya inshoreense ya nako e telele se fedileng selemong sa alamanaka se fetileng ke dikoloto tsohle tse tlasa dipholisi tse eso lokele ho hulwa tse bontshwang kgahlanong le “dikoloto Tsohle tsa pholisi” kholomong ya 7 ya Seteitemente sa C9 sa LT2015 (Long-term Insurance Annual Quantitative Return kapa Tswala e Fapafapanang ya Selema le Selema ya Inshoreense ya Nako e Telele) kapa kholomo ya 7 ya Seteitemente sa C9 sa LT2015 v2 (Diteitemente Tsa Selema le Selema Tse Kgutsufaditsweng Tse Romelwang ka 2015 kapa Abridged Annual Statutory Return for 2015) e teng webosaeteng ya Boto, kapa e bolela hore, haeba khamphani ya inshoreense ya nako e telele ha e a ba le selema sa ditjhelete se fedileng selemong se fetileng sa alamanaka se tllileng pele ho selema sa tefiso, dikoloto tsohle jwalokaha di bontshwa qetellong ya selema sa ditjhelete sa khamphani ya inshoreense ya nako e telele se feding selemong sa almanaka se tllileng pele ho selema sa tefiso se fetileng;

- (b) e qhelela ka thoko dikoloto tse tlasa konteraka, tseo ka lebaka la tsona khamphani ya inshoreense ya nako e telele, ka lebaka la tefo ya porimiamo, e itlamang ho fana ka ditsiane tsa pholisi ka sepheo sa ho tshehetsa ka ditjhelete sekoloto sohle kapa karolo ya sekoloto sa mokgatlo wa ho thusana ka ditjhelete, jwalokaha o hlalositswe karolong ya 1 ya Molao wa Mekgatlo ya ho Thusana ka Ditjhelete, kapa mokgatlo wa letlole la penshene, jwalokaha o hlaloswa karolong ya 1 ya Molao wa Matlole a Penshene, ho fa ditho tsa yona ditsiane ho latela melao wa yona: Hafeela ho qhelwa ho jwalo ha dikoloto ho sa kopanyelletse dikoloto tlasa konteraka e amanang ka ho hohlehohle le setho se itseng sa mokgatlo wa ho thusana ka ditjhelete kapa mokgatlo wa letlole la penshene, kapa molekane ya setseng, bana, baphedisuwa kapa ba thontsweng ke setho se itseng sa mokgatlo o jwalo wa ho thusana ka ditjhelete kapa mokgatlo wa letlole la dipenshene..

- (3) Khamphani ya inshoreense ya nako e telele e ngodisitsweng kapa e nkwang e ngodisitswe ho latela Molao wa Inshoreense ya Nako e Telele -
- (a) ka la 1 Mmesa selemong sa tefiso, e tlameha ho lefa ka botlalo ditefiso tse boletsweng seratswaneng sa (1)(a) le (b) ho latela seratswana sa (4); kapa
- (b) kamora la 1 Mmesa, empa ese kamora la 1 Mphalane selemong sa tefiso, e lokela ho lefa halofo ya ditefiso tse boletsweng diratswaneng tsa (1)(a) le (b) tjheleteng e le nngwe e le tefo e le nngwe feela pele kapa ka la 30 Mphalane selemong sa tefiso.
- (4) Ditefiso tse boletsweng seratswaneng sa (3)(a) di tlameha ho lefshwa ka diinstolmente tse pedi, e leng –
- (a) 50% ya tefiso kapa haeba tjhelete ya sebele e le siyo, kgakanyo e utlwahalang ya tefiso e jwalo e thehilweng kgakanyong e utlwahalang ya boleng ba dikoloto tse boletsweng seratswaneng sa (2), pele kapa ka la 31 Phupu selemong sa tefiso; le
- (b) tjhelete e satseng ya tefiso pele kapa ka la 30 Pudungwana selemong sa tefiso.
- (5) Haeba tefo e ne e thehilwe kgakanyong jwalokaha ho boletsweng seratswaneng sa (4)(a), tefo ho latela boleng ba sebele ba dikoloto tse boletsweng seratswaneng sa (2) e tlameha ho kopanngwa le tefo ya tefiso e letelang kamora ho etsa qeto ya boleng bo jwalo ba sebele le ho bo fa Boto.

11. Tefiso e kgethehileng ya SAM dikhamphaning tsa inshoreense ya nako e telele

- (1) Tefiso e kgethehileng ya SAM, tabeng ya khamphani ya inshoreense ya nako e telele e ngodisitsweng kapa eo ho nkwang e ngodisitswe ho latela Molao wa Inshoreense ya nako e telele le e dumeletsweng ho kena pholising e le nngwe kapa ho feta ya tlatsetso, pholisi ya kgolofalo, pholisi ya letlole, pholisi ya bophelo bo botle, pholisi e lefang ha motho a shwele, kapa pholisi ya ho kgutlisetsa tjhelete ya letlole, ke 0,00133% ya dikoloto tse tlasa dipholisi tsa nako e telele tse eso lokele ho hulwa.
- (2) Polelwana e reng “dikoloto tse tlasa dipholisi tsa nako e telele tse eso lokele ho hulwa” seratswaneng sa (1) –
- (a) e bolela dikoloto jwalokaha di etseditswe qeto qetellong ya selemo sa ditjhelete sa inshoreense ya nako e telele se fedileng selemong sa almanaka se tllileng pele ho selemo sa tefiso. Boleng ba dikoloto tseo ke -

- (i) dikoloto tsohle tlasa dipholisi tse eso lokele ho hulwa tse bontshwang kgahlanong le “dikoloto Tsohle tsa pholisi” [kapa “Gross policy liabilities” kholomong ya 7 ya Seteitemente sa C9 sa LT2015 (Tswala e Fapafapaneng ya Selemo le Selemo ya Inshoreense ya Nako e Telele kapa Long-term Insurance Annual Quantitative Return) kapa ho kholomo ya 7 ya Seteitemente sa C9 sa LT2015 v2 (Diteitemente Tsa Selemo le Selemo Tse Kgutsufaditsweng Tse Romelwang ka 2015 kapa Abridged Annual Statutory Return for 2015) e teng webosaeteng ya Boto; kapa
 - (ii) haeba khamphani ya inshoreense ya nako e telele e ne e se na selemo sa ditjhelete se felang selemong sa alamanaka se tlang pele ho selemo sa tefiso, dikoloto tsohle tse bontshwang qetellong ya selemo sa ditjhelete sa khamphani ya inshoreense ya nako e telele se fedileng selemong sa almanaka se tlang pele ho selemo se fetileng sa tefiso;
- (b) e qhelela ka thoko dikoloto tse tlasa konteraka, tseo ka lebaka la tsona khamphani ya inshoreense ya nako e telele, ka lebaka la tefo ya porimiamo, e itlamang ho fana ka ditsiane tsa pholisi ka sepheo sa ho tshehetsa ka ditjhelete sekoloto sohle kapa karolo ya sekoloto sa mokgatlo wa ho thusana ka ditjhelete, jwalokaha o hlalositswe karolong ya 1 ya Molao wa Mekgatlo ya ho Thusana ka Ditjhelete, kapa mokgatlo wa letlole la penshene, jwalokaha o hlaloswa karolong ya 1 ya Molao wa Matlole a Penshene, ho fa ditho tsa yona ditsiane ho latela melao wa yona: Hafeela ho qhelwa ho jwalo ha dikoloto ho sa kopanyelletse dikoloto tlasa konteraka e amanang ka ho hohlehohle le setho se itseng sa mokgatlo wa ho thusana ka ditjhelete kapa mokgatlo wa letlole la penshene, kapa molekane ya setseng, bana, baphedisuwa kapa ba thontsweng ke setho se itseng sa mokgatlo o jwalo wa ho thusana ka ditjhelete kapa mokgatlo wa letlole la dipenshene..
- (3) Khamphani ya inshoreense ya nako e telele e ngodisitsweng kapa eo ho nkwang hore e ngodisitswe ho latela Molao wa Inshoreense ya Nako e Telele -
- (a) ka la 1 Mmesa selemong sa tefiso, e tlameha ho lefa ditefiso tse kgethehileng tsa SAM ka botlalo tse boletsweng seratswaneng sa (1) ho latela seratswana sa (4); kapa
 - (b) kamora la 1 Mmesa empa eseng kamora la 1 Mphalane selemong sa tefiso, e tlameha ho lefa halofo ya ditefiso tse kgethehileng tsa SAM tseo ho buuwang ka tsona seratswaneng sa (1) e le tjhelete e le nngwe e le yona feela tefo, pele kapa ka la 30 Pudungwana selemong sa tefiso.

- (4) Ditefiso tse kgethehileng tsa SAM tseo ho buuwang ka tsona seratswaneng sa (3)(a) di tlameha ho lefshwa ka diinstolmente tse pedi, e leng –
- (a) 50% ya tefiso kapa haeba tjhelete ya sebele e le siyo, kgakanyo e utlwahalang ya tefiso e jwalo e thehilweng kgakanyong e utlwahalang ya boleng ba dikoloto tse boletsweng seratswaneng sa (2), pele kapa ka la 31 Phupu selemong sa tefiso; le
 - (b) tjhelete e saletseng ya tefiso pele kapa ka la 30 Pudungwana selemong sa tefiso.
 - (c) Haeba tefo e ne e thehilwe kgakanyong jwalokaha ho boletswe seratswaneng sa (4)(a), *tefo ho latela boleng ba sebele ba dikoloto tse boletsweng seratswaneng sa (2) e tlameha ho kopanngwa le tefo ya tefiso e letelang kamora ho etsa qeto ya boleng bo jwalo ba sebele le ho bo fa Boto.*

12. Tefiso ho baemedi

- (1) Tefiso, e amanang le lenqosa, boroukha kapa motho ya boletsweng karolong ya 45 ya Molao wa Inshoreense ya Nakwana, ke tjhelete e lekanang le 0,01939900% ya kakaretso ya diporimiamo tsohle kamoo mohlalobi wa diakhaonte kapa mohlanka wa diakhaonte a di tlalehileng kateng, ho ya ka hore boemo ke bofe, ho latela taelo ya 4.4 tlasa Molao o boletsweng, le tse ileng tsa amohelwa ke ejente eo, boroukha kapa motho e mong selemong sa moraorao tjena sa ditjhelete lebitsong la dikhamphani tsa inshoreense tse ngodisitsweng, le dikhamphani tsa inshoreense tsa Lloyd's, kapa R143 ho ya ka hore ke kakaretso efe ya tjhelete e kgolwanyane.
- (2) Tefiso eo ho builweng ka yona seratswaneng sa (1), e tlameha ho lefshwa pele ho feta la 31 Mphalane selemong sa tefiso mme e tlameha ho thehwa kakaretsong ya diporimiamo tsohle ka la 31 Phato selemong ka seng sa tefiso jwalokaha ho lokiseditswe ke South African Insurance Association, ho itshetlehile ka bongata ba diporimiamo tsohle tse fihlang ho R196 541 059, e lekanang le tefiso e ngata ka ho fetisisa ya R38 127.

13. Tefiso ya maano a matsete a kopanetsweng ke boramatsete diabong

- (1) (a) Tefiso, e amanang le maano a matsete a kopanetsweng ke boramatsete diabong eo ho builweng ka yona Karolong ya IV ya Molao wa Taolo ya Maano a Matsete a Kopanetsweng ke Boramatsete, ke tjhelete yohle e etsang R15 088 285, bakeng sa maano wohle a jwalo a tsamaiswang ke mookamedi a ngodisitsweng ho latela karolo ya 42 ya Molao o boletsweng neng kapa neng selemong sa tefiso.

- (b) Tjhelete ena e lefshwa ka diinstolmente tsa dikotara tse nne ka la kapa pele ho la 25 Phupjane, la 30 Lwetse, la 31 Tshitwe le la 31 Tlhakubele selemong sa tefiso.
- (c) Ditjhelete tse lefshwang ka dikotara motheong wa dipalopalo qetellong ya selemo sa kotara e tlang pele mme di arolwa hara baokamedi bohle ba ngodisitsweng ka nako eo.

(2) Ditefiso tse tshwanelang ho lefshwa di balwa ka tsela e latelang:

- (a) 10% e arotsweng ka ho lekana hara baokamedi bohle;
- (b) 60% e arotsweng ho latela palo ya matsete kapa diabo tse tsamaiswang ke mookamedi ka mong; le
- (c) 30% e arotsweng ho latela matlotlo wohle a tsamaiswang ke mookamedi ka mong.

14. Tefiso maanong a dinaha tse ding a matsete a kopanetsweng ke sehlopha sa boramatsete

(1) Tefiso e amanang le maano a letsete a dinaha tse ding a kopanetsweng boramatsete a amohetsweng ho latela karolo ya 65 ya Molao wa Taolo ya Maano a Matsete a Kopanetsweng ke Boramatsete, e lefshwa ka dikotara tsa diinstolmente, mme instolmente ka nngwe e na le -

- (a) tjhelete e kaalo ka R10 517, ya leano ka leng;
- (b) tjhelete e kaalo ka R5 704, ya seabo kapa letsete ka leng, letlole kapa leano le tlaasana; le
- (c) 0,00031231% ya tjhelete e setseng ya matlotlo a tsamaiswang lebitsong la boramatsete ba Afrika Borwa.

(2) Tefiso ena e ka lefshwa ka diinstolmente tsa dikotara tse nne ka la kapa pele ho la 25 Phupu, la 30 Lwetse, la 31 Tshitwe le la 31 Tlhakubele selemong sa tefiso. Ditjhelete di balwa motheong wa dipalopalo qetellong ya kotara e tlang pele, e leng dipalopalo tse tlamehang ho fuwa Mmoloki ya loketseng wa Direkoto nakong ya matsatsi a 30 kamora bofelo ba kotara eo.

(3) Molemong wa seratswana sa (2), dipalopalo tse fuwa Mmoloki wa Direkoto ya loketseng o tlameha ho ba le makolopetso a dithekiso tsohle le ditefo tsa dikoloto kapa dishere tse rekilweng hape ho boramatsete Afrika Borwa.

(4) Ditefiso di lefshwa ho ipapisitswe le dikgwedi tse welang kotareng leha e le efe e amehang.

15. Tefiso maanong a matsete a kopanetsweng mohahong

- (1) Tefiso, mabapi le mookamedi wa leano la letsete le kopanetsweng mohahong leo ho builweng ka lona Karolong ya V ya Molao wa Taolo ya Maano a Matsete a Kopanetsweng, ke tjhelete e kaalo ka R92 849 e amanang le letsete ka leng.
- (2) Tefiso e boletsweng seratswaneng sa (1) e tlameha ho lefshwa pele kapa ka la 25 Phupjane selemong sa tefiso.

16. Tefiso ya maano a matsete a kopanetsweng dibontong tse nang le seabo

- (1) Tefiso, e mabapi le mookamedi ya tsamaisang leano la letsete le kopanetsweng dibontong tse nang le seabo tseo ho builweng ka tsona Karolong ya VI ya Molao wa Taolo ya Maano a Matsete a Kopanetsweng, ke R9 749, ha e kopanngwa le tjhelete e badilweng ka ho thaemesa palohare ya tjhelete e kolotwang ke beng ba di-mortgage ka la 31 Tshitwe 2015, ka palo ya 0,0186084%.
- (2) Tefiso e boletsweng seratswaneng sa (1) e tlameha ho lefshwa pele ho feta la 25 Phupjane selemong sa tefiso.

17. Tefiso ya Maano a Matsete a Kopanetsweng matloleng a matsete a ditjhelete tse ngata a nang le dikotsi tse kgolo

- (1) Tefiso, e amanang le maano a tlole a matsete a ditjhelete tse ngata a phatlaladitsweng ho latela karolo ya 63 ya Molao wa Taolo ya Maano a Matsete a Kopanetsweng, e lefshwa ka diinstolmente tsa dikotara tse nne, mme instolmente ka nnwe e na le -
 - (a) tjhelete e etsang R10 517, e amanang le leano ka leng;
 - (b) tjhelete e etsang R5 704, e amanang le letsete ka leng, letlole kapa leano le tlaasana; le
 - (c) 0,0045% ya tjhelete e setseng ya matlotlo a tsamaiswang.
- (2) Ditjhelete tse balwang motheong wa dipalopalo jwaloka qetellong ya kotara e tlileng pele, e leng dipalopalo tse tlamehang ho fuwa Mmoloki wa Direkoto ya loketseng nakong ya matsatsi a 30 kamora ho fela ha kotara e jwalo.
- (3) Ditefiso di lefshwa ho latela dikgwedi tsohle tse welang kotareng leha e le efe e amehang.

18. Tefiso ya diphapanyetsano

- (1) Tefiso, e amanang le JSE Limited, phapanyetsano e nang le laesense ho latela karolo ya 9 ya Molao wa Dimmaraka Tsa Ditjhelete, ke tjhelete e kaalo ka R13 923 087.
- (2) Tefiso e boletsweng seratswaneng sa (1) e tlameha ho lefshwa pele ho feta la 10 Phupjane selemong sa tefiso.

19. Tefiso ho bafani ba ditshebeletso ba ditjhelete ba amohetsweng

- (1) Tlasa seratswana sa (4), motho ya dumeletsweng ho latela karolo ya 8 ya Molao wa Ditshebeletso Tsa Boeletsisi ba Tsa Ditjhelete le ho Rarolla Diphapang Tsa Ditjhelete e le mofani wa ditshebeletso tsa ditjhelete wa Mokgahlelo wa I kapa IV jwalokaha ho hlaloswa ho Determination of Fit and Proper Requirements for Financial Services Providers (kapa Tlhahlobo ya ho Tshwaneleha le Ditlhokahalo Tse Loketseng Tsa Bafani ba Ditshebeletso Tsa Ditjhelete), ya 2008, ho kopanyelletsa le mofani leha e le ofe ya jwalo ya amohetsweng e le mofani wa Mokgahlelo wa II, IIA kapa III eo ho buuwang ka yena seratswaneng sa (3), o tlameha hore ka la 31 Mphalane selemong sa tefiso kapa pele ho moo, a lefe tefiso eo ha e le ngata haholo e fihlang ho R1 641 281, mme e balwa ka tsela e latelang:

- (a) tjhelete ya motheo ya R3 459; le
- (b) A x R553

moo-

A = palo yohle ya batho ba bohlokwa ba mofani wa ditshebeletso tsa ditjhelete ya amohetsweng ke Mmoloki wa Direkoto ya loketseng hammoho le palo yohle ya baemedi ba kgethilweng ke mofani wa ditshebeletso tsa ditjhelete, ho ntshwa batho ba bohlokwa bao hape ba kgethilweng e le baemedi, ka la 31 Phato selemong sa tefiso.

- (2) Tlasa seratswana sa (4), motho ya dumeletsweng ho latela karolo ya 8 ya Molao wa Ditshebeletso Tsa Boeletsisi ba Tsa Ditjhelete le ho Rarolla Diphapang Tsa Ditjhelete e le mofani wa ditshebeletso tsa ditjhelete wa Mokgahlelo wa II, IIA kapa III jwalokaha ho hlaloswa tokomeneng ya Determination of Fit and Proper Requirements for Financial

Services Providers, ya 2008, o tlameha hore ka la 31 Mphalane selemong sa tefiso kapa pele ho moo a lefe tefiso, e ka fellang ho R1 641 281, mme e balwa ka tsela e latelang:

- (a) tjhelete ya motheo ya R6 969; le
- (b) $A \times R553$; le
- (c) $B \times 0,0000178575$

moo-

A = palo yohle ya batho ba bohlokwa ba mofani wa ditshebeletso tsa ditjhelete ya amohetsweng ke Mmoloki wa Direkoto ya loketseng hammoho le palo yohle ya baemedi ba kgethilweng ke mofani wa ditshebeletso tsa ditjhelete, ho ntshwa batho ba bohlokwa bao hape ba kgethilweng e le baemedi, ka la 31 Phato selemong sa tefiso; mme

B = kakaretso ya boleng ba matsete a tsamaiswang lebitsong la ditlalaente ho latela dumello e le mofani wa ditshebeletso tsa ditjhelete ka la 30 Phupjane selemong sa tefiso: Hafeela matsete ao a tlasa botsamaisi a tshwerwe ka tjhelete ya naha e nngwe a tlameha ho kenyelletswa sekgahleng sa thekisetanong ya ditjhelete e hatisitsweng Motjhineng wa Kgatiso letsatsing leo.

- (3) Tlasa seratswana sa (4), motho ya dumeletsweng ho latela karolo ya 8 ya Molao wa Ditshebeletso Tsa Boeletsisi ba Tsa Ditjhelete le ho Rarolla Diphapang Tsa Ditjhelete ho ba mofani wa ditshebeletso tsa ditjhelete e le wa Mokgahlelo wa I le/kapa Mokgahlelo wa IV o fana ka ditshebeletso tsa ditjhelete feela bakeng sa mekgahlelo e tlaasana ya sehlahiswa sa ditjhelete: Mokgahlelo o tlaasana wa Inshoreense ya nako e telele wa A le/kapa Ditsiane Tsa Mokgatlo wa ho Thusana ka Ditjhelete, jwalokaha o hlaloswa karolong ya 1(1) ya tokomane ya Determination of Fit and Proper Requirements for Financial Services Providers, ya 2008, o tlameha ho lefa tefiso ka la kapa pele ho la 31 Mphalane selemong sa tefiso, e ka fihlang ho R1 641 281, mme e balwa ka tsela e latelang:

- (a) tjhelete ya motheo ya R3 459; le
- (b) $A \times R250$

moo-

A = palo yohle ya batho ba bohlokwa ba mofani wa ditshebeletso tsa ditjhelete ya amohetsweng ke Mmoloki wa Direkoto ya loketseng hammoho le palo yohle ya baemedi ba kgethilweng ke mofani wa ditshebeletso tsa ditjhelete, ho ntshwa batho ba bohlokwa bao hape ba kgethilweng e le baemedi, ka la 31 Phato selemong sa tefiso.

- (4) Bafani ba bangata ba dumeletsweng ba ditshebeletso tsa ditjhelete bao e leng ditho tsa mokgatlo o tshwanang wa molao ba ikarabella ba le mmoho le ka ho fapafapana bakeng sa tefo ya tefiso e le nngwe jwalokaha ho boletswe diratswaneng tsa (1), (2) kapa (3), ho ya ka maemo. Molemong wa tefo ya mofuta oo, batho ba bohlokwa le baemedi ba bafani ba ditshebeletso tsa ditjhelete ba dumelletsweng ba nkwa e le batho ba bohlokwa le baemedi ba mofani e mong ya dumeletsweng wa ditshebeletso tsa ditjhelete.
- (5) Moo tumello ya mofani wa ditshebeletso tsa ditjhelete e fanyehilweng ka la 31 Phato 2016, empa Mmoloki wa Direkoto ya loketseng a tlosang ho fanyehwa hoo kamora moo, mofani wa ditshebeletso tsa ditjhelete ya dumelletsweng o ikarabella ka ho lefa tefiso e amehang nakong ya matsatsi a 30 ho tloha mohla ho fanyehwa ho tloswang, ho itshetlehile ka ditjhelete tse boletsweng diratswaneng tsa (1), (2) le (3). Tefiso e lokela ho balwa ho latela dipalopalo tsa mofani ya dumeletsweng wa ditshebeletso tsa ditjhelete kamoo di leng kateng letsatsing leo ho fanyehwa ho tloswang.
- (6) Haeba tefiso e boletsweng serapeng sena e sa lefshwe, ho ka hulwa laesense ya mofani ya dumeletsweng wa ditshebeletso tsa ditjhelete ho latela karolo ya 9 ya Molao wa Ditshebeletso Tsa Boeletsu ba Tsa Ditjhelete le ho Rarolla Diphapang Tsa Ditjhelete.

20. Tefiso ya ho tshehetsa Ofisi ya Mosireletsi wa Setjhaba bakeng sa Bafani ba Ditshebeletso Tsa Ditjhelete

- (1) Tlasa seratswana sa (2), motho ya dumeletsweng ho latela karolo ya 8 ya Molao wa Ditshebeletso Tsa Boeletsu ba Tsa Ditjhelete le ho Rarolla Diphapang Tsa Ditjhelete, ho ba mofani wa ditshebeletso tsa ditjhelete o tlameha lefa tefiso ka la 31 Mphalane selemong sa tefiso kapa pele ho moo, e leng tjhelete e ka fihlang ho R239 700, mme e balwa ka tsela e latelang:

- (a) tjhelete ya motheo ya R885; le
- (b) A x R337.

moo-

A = palo yohle ya batho ba bohlokwa ba mofani wa ditshebeletso tsa ditjhelete ya amohetsweng ke Mmoloki wa Direkoto ya loketseng hammoho le palo yohle ya baemedi ba kgethilweng ke mofani wa ditshebeletso tsa ditjhelete, ho ntshwa batho ba bohlokwa bao hape ba kgethilweng e le baemedi, ka la 31 Phato selemong sa tefiso.

- (2) Bafani ba bangata ba dumeletsweng ba ditshebeletso tsa ditjhelete bao e leng ditho tsa mokgatlo o tshwanang wa molao ba ikarabella ba le mmoho le ka ho fapafapana bakeng sa tefo ya tefiso e le nngwe jwalokaha ho boletswe seratswaneng sa (1). Molemong wa tefo ya mofuta oo, batho ba bohlokwa le baemedi ba bafani ba ditshebeletso tsa ditjhelete ba dumelletsweng ba nkwa e le batho ba bohlokwa le baemedi ba mofani e mong ya dumeletsweng wa ditshebeletso tsa ditjhelete.
- (3) Haeba tefiso e boletsweng seratswaneng sa (1) e sa lefshwe, ho ka nna ha hulwa laesense ya mofani ya dumeletsweng wa ditshebeletso tsa ditjhelete ho latela karolo ya 9 Molao wa Ditshebeletso Tsa Boeletsi ba Tsa Ditjhelete le ho Rarolla Diphapang Tsa Ditjhelete.

21. Tefiso ya mekgatlo ya ditsebi tsa ho tshwara diabo

- (1) Tefiso, tabeng ya Strate Limited, e filweng laesense ho latela karolo ya 29 la Molao wa Dimmaraka Tsa Ditjhelete, ke tjhelete e etsang R3 333 169.
- (2) Tefiso e boletsweng seratswaneng sa (1) e tlameha ho lefshwa pele la 10 Phupjane selemong sa tefiso le feta.

22. Tefiso dimmarakeng tsa ditjhelete tabeng ya tlhekefetso ya mmaraka

- (1) Tefiso ya R20 883 732 bakeng sa tefo ya ditjeho tsa ho etsa mesebetsi ya Boto le Botsamaisi ba Tlhekefetso ya Mmaraka ho latela Molao wa Dimmaraka Tsa Ditjhelete, e lefshwa ke JSE Limited.



Government Gazette Staatskoerant

REPUBLIC OF SOUTH AFRICA
REPUBLIEK VAN SUID AFRIKA

Vol. 613

22 July 2016
22 Julie 2016

No. 40154

PART 2 OF 2



N.B. The Government Printing Works will not be held responsible for the quality of "Hard Copies" or "Electronic Files" submitted for publication purposes

ISSN 1682-5843



AIDS HELPLINE: 0800-0123-22 Prevention is the cure

- (2) Tefiso eo ho builweng ka yona seratswaneng sa (1) e lefshwa ka diinstolmente tsa dikotara tse nne tsa R5 220 933 ka nngwe ka la kapa pele ho la 10 Phupjane, la 30 Lwetse, la 31 Tshitwe le la 31 Tlhakubele selemong sa tefiso.
- (3) Ho phaella ho tefiso e boletsweng seratswaneng sa (1), ditjeho tsa molao tseo Boto e hlileng ya ba le tsona mabapi le molao wa tlikefetso ya mmaraka di lefshwa ka dikotara qetellong ya dinako tseo ke JSE Limited.

23. Tefiso mekgatlong ya ho sekaseka mekitlane

- (1) Tefiso, tabeng ya mekgatlo ya ho sekaseka mekitlane e ngodisitsweng ho latela karolo ya 5 ya Molao wa Ditshebeletso Tsa ho Sekaseka Mekitlane ke kakaretso ya tjhelete e ka bang R2 640 000 mme e lefshwa ka la kapa pele ho la 31 Phupu selemong sa tefiso.
- (2) Ditefiso di balwa ka tsela e latelang:
Tefiso bakeng sa tefo ya ditjeho tsa ho etsa mesebetsi ya Mmoloki wa Direkoto ya loketseng ho latela Molao wa Ditshebeletso Tsa ho Sekaseka Mokitlane ke R2 640 000, e abuwang ka ho lekanang hara mekgatlo yohle e ngodisitsweng ya ho sekaseka mekitlane ka la 31 Mmesa.

KA KAKARETSO

24. Tefo ya ditefiso

- (1) Ditefiso le tswala (haeba e le teng) tseo ho builweng ka tsona Tsebisong ena di lefshwa ke mokgatlo wa ditjhelete o amehang Botong ka tjheke, postal order, money order, kapa money transfer.
- (2) Ho tla lefiswa tswala diakhaonteng tsohle tse saletseng morao ka sekgahla sa tswala se sebediswang ke dibankang.

25. Kopu ya ho se tlangwe ke molao ona

- (1) Kopu ya mokgatlo leha e le efe wa ditjhelete ya tumello e tlasa karolo ya 15A(4)(a) ya Molao wa ho se tlangwe ke molao wa tokisetso ya Tsebiso ena e tlameha ho romelwa ka lengolo ho Mohlanka wa Phethahatso, Financial Services Board, P O Box 35655,

Menlo Park, 0102, bonyane kgwedi pele ho letsatsi leo ka lona ho se lefiswe ho tlang ho etsahala.

- (2) Kopo e tlameha ho ba makolopetso a feletseng a mokgatlo wa ditjhelete, tumello ya motho ya saenang kopo le letsatsi la ho se tlangwe ke molao, haeba tumello e jwalo e fanwe, mme e tlameha ho bolela mabaka a kopo eo.
- (3) Kopo e tlameha-
- (a) ho ba le netefalletso ya mokgatlo wa ditjhelete o amehang hore ha o kopuwa, o tla fa Mohlanka wa Phethahatso wa Boto hanghang tlhahisoleseding leha e le efe e nngwe kapa e eketsehileng kapa makolopetso ao Boto e ka a hlokanang mabapi le mokgatlo kapa kopo e amehang; mme
 - (b) e be le makolopetso a aterese eo mokgatlo o tla amohela tshebeletso ya boto ya tsebiso leha e le efe e nahanelwang karolong ya 15A(4)(b)(ii) ya Molao.
- (4) Tsebiso e bolelwang karolong ya 15A(4)(b)(ii) ya Molao e tlameha hore ka taelo ya Boto e fuwe Mohlanka wa Phethahatso ka poso e ngodisitsweng atereseng e fanweng ke mokgatlo wa ditjhelete ho latela seratswana sa (3)(b) kopong ya wona ya ho se tlangwe ke molao.

26. Ditefo tse kopantsweng

Moo selemong leha e le sefe ka ho kgetheha sa tefiso, sehlopha se nkwang ke Boto e le baemedi ba feletseng ba mokgahlelo wa mekgatlo ya ditjhelete, se tshepising ho ntsha tefo e kopantsweng ya ditefiso lebitsong la mokgahlelo ho latela tumellano e entsweng pakeng tsa mokgahlelo wa mekgatlo ya ditjhelete le sehlopha, Boto e ka nna ya amohela tshepiso e jwalo, haeba tefo e etswa ho latela ditokisetso tsa Tsebiso ena: Hafeela haeba ka lebaka leha e le lefe tefo e jwalo e kopantsweng ha e etswe matsatsing a amehang a tefo, mokgatlo ka bomong o amehang wa ditshebeletso tsa ditjhelete o tla dula o ikarabella ka botlalo bakeng sa tefo ya wona ka bomong eo o lokelang ho e lefa, mme tswala (haeba e le teng) tjheleteng eo e badilweng ho latela serapa sa 24(2).

27. Ho hulwa ha ditsebisō le poloko

- (1) Tlasa seratswana sa (2), Tsebisō ya Boto ya 101 ya la 8 Motshehanong 2015 e hutswe.
- (2) Haeba letsatsing leo Tsebisō ena e qalang ho sebetsa ka lona mokgatlo wa ditjhelete ha o eso lefe ka botlalo tefiso le tswala yeo o tshwanelang ho e lefa, jwalokaha o tlangwa ho latela tokisetso ya tsebisō e boletsweng seratswaneng sa (1), tokisetso leha e le efe e jwalo, hammoho le tokisetso leha e le efe e nngwe ya tsebisō ya mofuta oo e amanang le tokisetso e boletsweng la pele, e nkwa ho latela mokgatlo o amehang le tjhelete e amehang e lokelang ho lefshwa e sa lokela ho hulwa ka seratswana sa (1) ho fihlela sekoloto seo le lefshwa ka botlalo.

28. Sehlooho se sekgutshwanyane le ho qala ho sebetsa

Tsebisō ena e bitswa Tsebisō ya Ditefiso Tsa Mekgetlo ya Ditjhelete, ya 2016, mme e qala ho sebetsa letsatsing la ho phatlalatsa Tokomane ya Mmuso.